

**Ўзбекистон Республикаси
Олий ва ўрта маҳсус таълим вазирлиги**

**5510300 - Тиббий профилактика иши
бакалавриат таълим йўналишининг малака талаблари**

Тошкент

СЎЗ БОШИ

1. ИШЛАБ ЧИҚИЛГАН ВА КИРИТИЛГАН:

- Олий ва ўрта маҳсус, қасб-хунар таълим мини Ривожлантириш маркази;
- Тошкент тиббиёт академияси

2. ТАСДИҚЛАНГАН ВА АМАЛГА КИРИТИЛГАН:

Ўзбекистон Республикаси Олий ва ўрта маҳсус таълим вазирлигининг 201_ йил «___» _____ даги ___ - сонли бўйруғи.

3. ЖОРӢЙ ЭТИЛГАН:

Ўзбекистон Республикаси Олий ва ўрта маҳсус таълим вазирлиги.

Мазкур малака талабни Ўзбекистон Республикаси ҳудудида расмий чоп этиш ҳукуқи Ўзбекистон Республикаси Олий ва ўрта маҳсус таълим вазирлигига тегишлидир.

МУНДАРИЖА

	бет
1. 5510300 - Тиббий профилактика иши бакалавриат таълим йўналишининг умумий таснифи	4
1.1. Кўлланиш соҳаси	4
1.2. 5510300 – Тиббий профилактика иши таълим йўналиши бўйича бакалаврлар касбий фаолиятларининг таснифи.....	4
2. 5510300 – Тиббий профилактика иши таълим йўналиши бўйича бакалаврларнинг тайёргарлик даражасига қўйиладиган умумий талаблар	6
2.1. Бакалаврларнинг тайёргарлик даражасига қўйиладиган умумий талаблар	6
2.2. 5510300 - Тиббий профилактика иши таълим йўналиши бўйича бакалаврларнинг касбий фаолиятларига қўйиладиган малака талаблари	6
3. 5510300 – Тиббий профилактика иши бакалавриат таълим йўналиши ўқув режаси ва фан дастурлари мазмунига қўйиладиган умумий талаблар	8
3.1. Ўқув режа фанлари блоклари мазмунига қўйиладиган умумий талаблар	8
3.2. 5510300-Тиббий профилактика иши бакалавриат таълим йўналиши ўқув режасидаги юклама ҳажми	14

1. 5510300 – Тиббий профилактика иши бакалавриат таълим йўналишининг умумий таснифи

5510300 – Тиббий профилактика иши таълим йўналиши бўйича бакалаврлар тайёрловчи олий таълимнинг ўқув режа ва фан дастури асосида амалга оширилади, унинг назарий ва амалий машғулотларини тўлик ўзлаштирган, якуний давлат аттестациясидан муваффақиятли ўтган шахсга «бакалавр» малакаси (даражаси) ҳамда олий маълумот тўғрисидаги давлат намунасидағи расмий хужжат(лар) берилади.

Ўқув режа ва фан дастурининг муддати ва мос малака(даражаси)си 1-жадвалда келтирилган.

1-жадвал

Ўқув режа ва фан дастурининг муддати ва битирувчиларнинг малака(даражаси)си

Ўқув режа ва фан дастурининг номи	Малака (даражаси)	Ўқув режа ва фан дастурини ўзлаштиришнинг меъёрий муддати
Бакалавриатнинг ўқув режа ва фан дастури	Бакалавр	6 йил

1.1. Қўлланиш соҳаси

1.1.1. Олий таълимнинг ушбу малака талаби **5510300 - Тиббий профилактика иши** таълим йўналиши бўйича олий маълумотли бакалаврлар тайёрлаш ўқув режа ва фан дастурларининг ўзлаштирилишини амалга оширишда Ўзбекистон Республикаси худудидаги барча олий таълим муассасалари учун талаблар мажмуини ифодалайди.

1.1.2. Олий таълим муассасаси мазкур бакалавриат таълим йўналиши бўйича кадрлар тайёрлаш ваколатига эга бўлганда малака талаб асосида ўқув режа ва фан дастурларини амалга ошириш ҳуқуқига эга деб хисобланади.

1.1.3. Малака талабнинг асосий фойдаланувчилари:

–мазкур таълим йўналиш бўйича фан, техника ва ижтимоий соҳа ютуқларини хисобга олган ҳолда ўқув режа ва фан дастурларини сифатли ишлаб чикиш, самарали амалга ошириш ва янгилаш учун масъул олий таълим муассасаларининг профессор - ўқитувчилари;

–таълим йўналишининг ўқув режа ва фан дастурларини ўзлаштириш бўйича ўқувтарбия фаолиятини самарали амалга оширувчи барча ходимлари ва талabalari;

–ўз ваколат доирасида битирувчиларнинг тайёргарлик даражасига жавоб берадиган олий таълим муассасаларининг бошқарув ходимлари (ректор, проректорлар, ўқув бўлими бошлиғи, деканлар ва кафедра мудирлари);

–битирувчиларнинг тайёргарлик даражасини баҳолашни амалга оширувчи Давлат аттестация ва имтиҳон комиссиялари;

–олий таълим муассасасини молиялаштиришни таъминловчи органлар;

–олий таълим тизимини аккредитация ва сифатини назорат қилувчи ваколатли Давлат органлари;

–таълим йўналишини ихтиёрий танлаш ҳуқуқига эга бўлган абитуриентлар ва бошқа манфаатдорлар.

1.2. 5510300-Тиббий профилактика иши таълим йўналиши бўйича бакалаврлар касбий фаолиятларининг таснифи

1.2.1. 5510300 – Тиббий профилактика иши таълим йўналиши бўйича бакалаврлар касбий фаолиятининг соҳалари:

5510300 – Тиббий профилактика иши бакалавриат таълим йўналиши – соғлиқни сақлаш тизимининг даволаш-профилактика муассасалари (республика, вилоят, шаҳар, туман ва тармоқ (Ўзбекистон ҳаво йўллари, Ўзбекистон темир йўллари ва бошқалар)

Давлат санитария-эпидемиология назорат Марказларида, ОИТС қарши кураш марказларида, патологик анатомия марказларида, суд-тибиёт экспертиза марказларида, атроф-мухит объектларини санитария ҳолатини ўрганиш, гигиеник баҳолаш ва профилактик тавсиялар ишлаб чиқиши фаолиятини олиб бориш; ахоли яшаш жойлари атроф-мухитини санитария муҳофазасига йўналтирилган тиббий-профилактик муаммолар бўйича асосий вазифаларни ҳал қилиш, ССВнинг Санитария-эпидемиология назорат Бош бошқармасида санитария-гигиеник регламент ва меъёрий хужжатларни ишлаб чиқиши ва амалиётга тадбиқ қилиш фаолиятини олиб бориш; соғлиқни сақлаш тизимининг барча бўғинларида санитария-гигиенаси соҳасида комплекс масалаларни ечишни ўз ичига олади.

Йўналиши бўйича фан, техника ва технологияларнинг замонавий ютуқлари, кадрлар буюртмачилари талабларидан келиб чиқсан ҳолда бакалаврларнинг касбий фаолият соҳаларида қўшимча ва ўзгаришлар бўлиши мумкин.

1.2.2. 5510300 – Тиббий профилактика иши таълим йўналиши бўйича бакалаврлар касбий фаолиятларининг объекtlари:

- санитария-гигиеник регламент ва меъёрий хужжатлар, соғлиқни сақлаш тизимида тегишли дастурлар, стандартлар, илмий мақолалар, тезислар, меъёрий хужжатлар, маълумотномалар, ҳисоботлар; тибиёт асбоб-ускуналари, дори воситалари, муолажалар, ресурслар, воситалар, усул ва услублар мажмуаси; илмий тадқиқот жараёнлари;

- йўналиш бўйича фан, техника ва технологияларнинг замонавий ютуқлари, кадрлар буюртмачилари талабларидан келиб чиқсан ҳолда бакалаврларнинг касбий фаолият соҳаларида қўшимча ва ўзгаришлар бўлиши мумкин;

- илмий-тадқиқот жараёни.

Йўналиши бўйича фан, техника ва технологияларнинг замонавий ютуқлари, кадрлар буюртмачилари талабларидан келиб чиқсан ҳолда бакалаврларнинг касбий фаолият объекtlарида қўшимча ва ўзгаришлар бўлиши мумкин

5510300 – Тиббий профилактика иши таълим йўналиши бўйича бакалаврларнинг касбий фаолияти қўйидагиларни қамраб олади:

- Давлат санитария эпидемиология назорати маркази (ДСЭНМ) назорат остидаги объекtlарда (хизмат кўрсатиш шактидан қаттий назар) огоҳлантирувчи ва жорий санитария назоратлари бўйича амалий фаолиятини мустақил олиб бории;
- согломлаштириши, санитар-гигиеник ва профилактик чора-тадбирлар комплексини мустақил тарзда ишлаб чиқиши, мувофиқлаштириши ва ўтказиши;
- ишловчилар орасида соглом турмуши тарзи қўнікмаларини шаклантириши уларнинг жисмоний, тиббий фаоллигини ошириши;
- гигиена йўналишида қўлланилаётган илгор профилактик тадбирларни ўрганиши ва амалиётга тадбиқ этиши;
- гигиена йўналишида профилактик чора-тадбирларини ташкиллаштириши бўйича тўлиқ ҳажмидаги зарурий қўнікмаларга эга бўлган юқори малакали мутахассис сифатида мустақил амалий фаолиятни амалга ошириши.

1.2.3. 5510300 – Тиббий профилактика иши таълим йўналиши бўйича бакалаврлар касбий фаолиятларининг турлари

- ташкилий-бошқарув;
- тиббий- ижтимоий;
- илмий-тадқиқот;
- тибиёт профилактикаси;

Йўналиши бўйича фан, техника ва технологияларнинг замонавий ютуқлари, кадрлар буюртмачилари талабларидан келиб чиқсан ҳолда бакалаврларнинг касбий фаолият объекtlарида қўшимча ва ўзгаришлар бўлиши мумкин.

Таълим йўналиши бўйича тайёрланган бакалаврлар касбий фаолиятларининг муайян турлари таълим жараёнининг манфаатдор иштирокчилари билан ҳамкорликда олий таълим муассасаси томонидан аниqlанади.

1.2.4. Таълим йўналиши бўйича бакалаврларнинг касбий мослашув имкониятлари

Таълим йўналиши бўйича бакалавр педагогик қайта тайёрлашдан ўтгандан сўнг ўрта маҳсус, касб-хунар таълим муассасаларида маҳсус фанларни ўқитиши мумкин.

1.2.5. Таълимни давом эттириш имкониятлари

5510300 – Тиббий профилактика иши таълим йўналиши бўйича бакалавр касбий тайёргарликдан кейин:

5A510301- Гигиена (йўналишлар бўйича) танлов мутахассислари, 5A510115- Соғлиқни сақлашни бошқариш (жамоат саломатлиги ва соғлиқни сақлашни бошқариш), 5A510113-Ташхиснинг инструментал ва функционал усуллари (йўналишлар бўйича), 5A510118 - Морфология (йўналишлар бўйича) ва 5A510126-Фармакология магистратура мутахассислари бўйича икки йилдан кам бўлмаган муддатда ўқишни давом эттириши мумкин.

Шунингдек, ўрнатилган тартибда мустақил изланувчи сифатида илмий - тадқиқот олиб бориш мумкин.

2. 5510300-Тиббий профилактика иши таълим йўналиши бўйича бакалаврларнинг тайёргарлик даражасига қўйиладиган умумий талаблар

2.1. Бакалаврларнинг тайёргарлик даражасига қўйиладиган умумий талаблар:

- дунёқараш билан боғлиқ тизимли билимларга эга бўлиши; гуманитар ва ижтимоий-иктисодий фанлар асосларини, жорий давлат сиёсатининг долзарб масалаларини билиши, ижтимоий муаммолар ва жараёнларни мустақил таҳлил қила олиши;

- Ватан тарихини билиши, маънавий миллий ва умуминсоний қадриятлар масалалари юзасидан ўз фикрини баён қила олиши ва илмий асослай билиши, миллий истиқлол ғоясига асосланган фаол ҳаётий нуктаи назарга эга бўлиши;

- табиат ва жамиятда кечеётган жараён ва ҳодисалар ҳақида яхлит тасаввурга эга бўлиши, табиат ва жамият ривожланиши ҳақидаги билимларни эгаллаши ҳамда улардан замонавий илмий асосларда ҳаётда ва ўз касб фаолиятида фойдалана билиши;

- инсоннинг бошқа инсонга, жамиятга ва атроф мухитга муносабатини белгиловчи ҳуқуқий ҳамда маънавий мезонларни билиши, касб фаолиятида уларни ҳисобга ола билиши;

- ахборот йиғиши, сақлаш, қайта ишлиш ва улардан фойдаланиш усулларини эгаллаган бўлиши, ўз касб фаолиятида мустақил асосланган қарорлар қабул қила олиши;

- тегишли бакалавриат йўналиши бўйича рақоботбардош умумкасбий тайёргарликка эга бўлиши;

- янги билимларни мустақил эгаллай билиши, ўз устида ишлиши ва меҳнат фаолиятини илмий асосда ташкил қила олиши;

- соғлом турмуш тарзи ва унга амал қилиш зарурияти тўғрисида илмий тассаввур ҳамда эътиқодга, ўзини жисмоний чиниқтириш уқув ва кўникмаларига эга бўлиши лозим.

Бакалавр:

- таълим йўналиши бўйича олий маълумотли шахслар эгаллаши лозим бўлган лавозимларда мустақил ишишга;

- тегишли бакалавриат йўналиши доирасида танланган мутахассислик бўйича магистратурада олий таълимни давом эттиришга;

- кадрларни қайта тайёрлаш ва малака ошириш тизимида қўшимча касб таълими олиш учун тайёрланадилар.

2.2. 5510300 – Тиббий профилактика иши таълим йўналиши бўйича бакалаврларнинг касбий фаолиятларига қўйиладиган малака талаблари

Тиббиёт профилактикаси фаолиятида:

- Давлат санитария эпидемиология назорати маркази (ДСЭНМ) назорат остидаги обьектларда (хизмат кўрсатиш шаклидан қатъий назар) огоҳлантирувчи ва жорий санитария назоратлари бўйича амалий фаолиятини мустақил олиб бориши;
- соғломлаштириш, санитар-гигиеник ва профилактик чора-тадбирлар комплексини мустақил тарзда ишлаб чиқиши, мувофиқлаштириши ва ўтказиши;
- ишловчилар орасида соғлом турмуш тарзи кўникмаларини шаклантириш уларнинг жисмоний, тиббий фаоллигини ошириши;
- гигиена йўналишида қўлланилаётган илғор профилактик тадбирларни ўрганиши ва амалиётга тадбиқ этиши;
- гигиена йўналишида профилактик чора-тадбирларини ташкиллаштириш бўйича тўлиқ ҳажмдаги зарурий кўникмаларга эга бўлган юқори малакали мутахассис сифатида мустақил амалий фаолиятни амалга оширишни эгаллаш ва баҳолаш **қобилиятларига эга бўлиши лозим.**

Ташкилий-бошқарув фаолиятида:

- меъёрий хужжатларни ишлаб чиқариши;
- давлат санитария-эпидемиология назоратини ташкиллаштириш ва бошқариши;
- санитария қоида ва меъёрлар, гигиеник нормативлар, давлат меҳнат хавфсизлиги стандартлари тизими, қурилиш меъёр ва қоидаларини ишлаб чиқаришда амалий ва услубий ёрдам бериши;
- лойихавий ва дастурий хужжатларни ишлаб чиқиши;
- санитария-эпидемиология назорати сифатини бошқариш жараёнларини ишлаб чиқиши ва тадбиқ қилиши;
- санитария-эпидемиология назоратини амалга ошириш учун зарур бўлган жараёнлари ва ресурсларини режалаштириши;
- замонавий аҳборот технологиялар тизимини яратиш ва улардан фойдаланиш билан боғлиқ бўлган ишлаб чиқариш жараёнлари мониторинги ва сифатини баҳолаш методлари ва механизmlарини ишлаб чиқиши;
- ижрочилар жамоаси ишини ташкил қилиши ва бошқариши;
- фикрлар ҳар хил бўлган шароитда бошқарув қарорини қабул қилиши;
- бажараётган фаолияти бўйича иш режасини тузиш ва уни бажариш, назорат қилиш ва амалга оширган ишининг натижаларини баҳолаш **қобилиятларига эга бўлиши лозим.**

Тиббий – ижтимоий фаолиятида:

- ижтимоий соҳа ҳимоя органлари ва раҳм-шафқат хизматлари билан ҳамкорликда оила ва алоҳида аҳоли гурӯҳларига тиббий-ижтимоий, демографик ва психологик таҳдид омилларини ҳисобга олган ҳолда хизмат турларини ташкиллаштириши ва хизмат кўрсатиши;
- аҳоли ўртасида жисмоний, тиббий-ижтимоий ва психологик нуфузни тиклаш қаратилган **қобилиятларга эга бўлиши керак.**

Илмий-тадқиқот фаолиятида:

- илмий-тадқиқот институтлари ва илмий марказларда тиббий профилактика ишига оид мавзуларда илмий-тадқиқот ишларини олиб боришида иштирок этиши;
- интернет тармоғида энг янги илмий ютуқлар ҳақидаги маълумотларни мақсадга йўналган ҳолда қидириши ва топиши;
- тиббий профилактика ишига оид илмий тўпламлар, маҳаллий ва ҳорижий илмий-тадқиқот ютуқларини ўрганиши;
- касбий фаолият обьекти йўналишига мос янги илмий натижалар, илмий адабиётлар ёки илмий-тадқиқот лойихаларини ўрганиши;

- илмий-тадқиқот институтлари ва илмий марказларда, давлат санитария эпидемиология назорати марказларида экспериментал тадқиқотлар ўтказиши, уларнинг натижаларига ишлов бериши, баҳолаш ва бошқа касбий фаолият турларини бажариши;
- илмий-тадқиқот ишланмаларини тайёрлаши, соҳа оид адабиётларни экспертизасини амалга оширишда қатнашиши;
- тадқиқот натижалари ва ишланмаларини татбиқ этишда қатнашиши;
- илмий семинарлар, илмий-амалий анжуманларда иштирок этиши;
- маълумотларни жамлаш, қайта тайёрлаш, мавзу бўйича илмий маълумотларни тизимли таҳлил қилиш, илмий-амалий мавзувий журналларга мақолаларни тайёрлаш қобилиятларга эга бўлиши керак.

3. 5510300-Тиббий профилактика иши бакалавриат таълим йўналиши ўқув режаси ва фан дастурлари мазмунига қўйиладиган умумий талаблар

5510300-Тиббий профилактика иши бакалавриат таълим йўналиши ўқув режаси ва фанлар дастурлари умумий ўрта ва ўрта маҳсус, касб-хунар таълими билан узлуксизлик ва узвийлик таъминланишини инобатга олган ҳолда ишлаб чиқилиши ва талабаларнинг қуидаги мажбурий фанлар блокларини ўзлаштиришини назарда тутиши зарур:

гуманитар ва ижтимоий-иктисодий;
математик ва табиий-илмий;
умумкасбий;
ихтисослик;
кўшимча.

Касб фаолияти кўникмаларини эгаллаш учун малака амалиётлари ўтилиши назарда тутилиши шарт.

Ўқув режалар мажбурий ўқув фанлари билан бир қаторда талабалар танлаган фанларни ҳам ўз ичига олиши шарт.

Бакалавриат таълим йўналиши ўқув режаси ва фанлар дастурларини ўзлаштиришда талабаларнинг ўқув фанларига оид бир қанча масалалар ва муаммолар бўйича мустақил билим олиши назарда тутилиши лозим.

Бакалавриат таълим йўналиши ўқув режасига мувофиқ равишда якуний давлат аттестацияси билан тугалланиши шарт.

3.1. Ўқув режа фанлари блоклари мазмунига қўйиладиган умумий талаблар Гуманитар ва ижтимоий-иктисодий фанлар блоки:

Ўзбекистон Республикаси Олий ва ўрта маҳсус таълим вазирлиги томонидан тасдиқланадиган олий таълимнинг бакалавриат таълим йўналишлари ўқув режаларидағи гуманитар ва ижтимоий-иктисодий фанлар блокига қўйиладиган умумий талаблар асосида белгиланади.

Математик ва табиий-илмий фанлар блоки:

умумий ўрта ва ўрта маҳсус, касб-хунар таълими билан узвийлик ҳамда узлуксизликни инобатга олган ҳолда математик тушунчалар ва тасаввурлар умумийлиги, математик усуллар ва моделлар, информацион тизим, тиббиётда лотин тили терминологиясининг моҳияти ва аҳамияти, терминоэлементлар бўйича клиник атамалар, физиковий, кимёвий ва биологик жараёнларнинг ўзаро таъсирлашуви, замонавий тиббий билим олишни ўзига хослиги ва ривожланишнинг асосий босқичлари, биофизика фанининг моҳияти, вазифалари, организм аъзо ва тўқималарининг фаолияти асосида ётuvчи умумий физиковий ва биофизиковий қонуниятлари, физиковий қонуниятларнинг тирик организмдаги жараёнларга татбиқ этиш, кимёнинг асосий қонунлари, органик бирикмаларнинг тузилиш назарияси, организмда кечадиган биокимёвий жараёнларнинг ўзаро боғлиқлиги, патологик ҳолатларда моддалар алмашинувининг бузилиши ҳақида тасаввурларни шакллантириши;

табиий фанларнинг ўзаро фундаментал бирлиги, тибиёт соҳасида фундаментал ва клиник фанларни ўзлаштириш учун анатомия фанининг зарурлиги, организмнинг ўсиши, шакланиши, ривожланишининг асосий қонуниятларининг моҳияти, уларнинг ташқи мухит билан муносабатини таъминлаётган тизимлар ҳамда уларнинг ёшга нисбатан ўзгариши, гистология, эмбриология, цитология фанининг назарий ва илмий асосларига таянган ҳолда хужайра, тўқималарнинг турлари, умумий тузилиши ва вазифалари, аъзоларнинг тараққиёт манбалари, шаклланиш муддатлари, умумий тузилиш асослари, вазифалари ва ёшга кўра бўладиган ўзгаришлари, одам эмбриологияси босқичлари, уларнинг хусусиятлари, аъзолар, физиологиянинг мақсад ва вазифаси, унинг умумий амалиёт врачи фаолиятидаги аҳамияти, замонавий тиббий микробиология, вирусология ва иммунология фани, унинг мақсад ва вазифалари, одам ҳаёт фаолияти жараёнида физиологик функцияларнинг бошқарилиши ва асосий қонуниятлари ҳақидаги назарий ҳамда илмий тасаввурларни шакллантириши;

Патологиянинг асосий тузилиши (микроскоп ва гистологик) белгилари. Ҳужайраларнинг умумий патологияси. Захарланиш ва некроз, қон ва лимфа айланишининг бузулиши, яллиғланиш. Иммунопатологик ва компенсатор-мослашиш жараёнлари, шишлар. Аъзо ва тизимларда касалланиш холатидаги хусусий патологик морфология. Юқумли касалликларнинг патологик анатомияси.

Касалликларни ривожланиши ва тузилиш қонуниятлари ва механизми асослари. «касалланиш олди» ва касалланиш тушунчasi, ижтимоий-экологик омилларнинг аҳамияти, этиология ва патогенезнинг умумий масалалари. Атроф- мухит ифлосланишини касалланиш сабабларининг янги омиллари маҳсус ва умумий касалланиш ҳолатларининг бир-бирига боғлиқлиги. Патологияда ирсиятнинг ва организмнинг реактивлигини бузилиши, иммунопатологик кўринишлари. Патологик жараёнлар патофизиологияси: танада қон айланишини, тўқималар ўсиши ва метаболизмнинг бузилиши, яллиғланиш, иситма, гипоксия. Аъзо ва тўқималарнинг патологиясида функционал бузулишларнинг тафсилоти. Она-хомила-йўлдош тизими ва ёши бўйича патофизиологиянинг ўзига хос томонлари, экстремал ҳолатлар ва уларни коррекция қилишнинг асосий тамойиллари.

таълим йўналиши учун зарур бўлган фундаментал фанларни чуқур ўрганишнинг илмий ва назарий асосларини таъминлаши лозим;

Умумкасбий фанлар блоки:

математик ва табиий-илмий фанлар билан маҳсус фанлар ўртасида илмий ва назарий боғлиқликни таъминлаши;

таълим йўналиши ихтисослик фанларни ўрганиш ва чуқур эгаллаш учун зарур бўлган фундаментал умумкасбий билимларни, амалий кўнишка ва уқувларни шакллантириши;

таълим йўналишига мувофиқ қасб фаолияти соҳаларида эришилган асосий ютуқлар, муаммолар ва уларнинг ривожланиш истиқболлари ҳақида тасаввур ҳосил қилиши;

Дори воситалари, уларнинг инсон ва ҳайвон организмига таъсир механизми. Умумий фармакология, дори воситаларининг фармакокинетикаси. Умумий токсикологиянинг асослари. Хусусий фармакология-турли аъзо ва тизимларга таъсири, таъсир этиш механизми бўйича доривор моддаларнинг қайд рўйхати. Кўлланиши бўйича мос келадиган ва келмайдиган кўрсатмалар. Ёшга нисбатан таъсирининг ўзига хос томонлари. Кўшимча ва заҳарлилик хусусиятлари, асоратлари, дори воситаларидан заҳарланганда ёрдам кўрсатиш. Умумий рецептура, доза, рецептнинг шакллари. Турли патологик ҳолатлар учун дори ёзиш йўллари.

Тирик фуқороларга етказилган тан жароҳатларини экспертизаси. Ўлим ҳолатини, механик жароҳатларни, заҳарланиш ҳолатларини аниқлаш бўйича мурдаларни экспертиза қилиш. Даилий ашёларни экспертизаси, расмий хужжатларни тўлдириш

Беморларни лаборатория асбоблари (лаборатор ва клиник) текширувларга тайёрлаш. Ички касалликларни ташхисидаги белгилар ва кўринишлар-этиологияси,

патогенези, клиникаси, даволаш усуллари, профилактикаси. Қолдириб бўлмайдиган шароитларда тез тиббий ёрдам кўрсатиш. Асосий тиббий хужжатлар.

Кутилмаган ҳолатларда ва табиий оғатларда зарап кўрганларга ва шикастланганларга кечиктириб бўлмайдиган тиббий-терапевтик ёрдам кўрсатиш. Нурла-ниш касаллиги, ташхис қўйиш ва даволаш, саралаш ва касалларни эвакуация қилиш.

Сил касаллиги этиологияси, эпидемиологияси, патогенези, хатарли гурухлари, ташхис усуллари, эрта ташхис қўйиш, даволаш, диспансеризация, профилактика. Ҳомиладор ва кекса ёшдаги инсонларда сил касаллиги. Махсус профилактика.

ВТЭК (шифокорлик меҳнат экспертизаси комплекси), ижтимоий соҳалар. Этиологияси, патогенези, клиникаси, ташхис усуллари, оқибати ва энг кўп тарқалган касб касалликларининг давоси. Врачлик меҳнат экспертизаси, профилактикаси. Профилактик тиббий қўриклар. Касб касалликларида иш билан таъминлаш. Тиббий хужжатлар.

Тери таносил касалликлари этиологияси, эпидемиологияси, патогенези, клиникаси, лаборатория ташхиси ва даволаш асослари, профилактикаси. Диспансеризация. Тери, касбга оид тери, таносил, ҳамда жинсий йўл билан ўтадиган касалликлар профилактикаси. ОИТС ни профилактикаси.

Юқумли касалликлар этиологияси, патогенези, клиникаси, лаборатория- асбоблари ташхиси, давоси, диспансеризация ва юқумли касалликларни энг кўп тарқалган гижжа касалликларини олдини олиш, асоратлари. Кечиктириб бўлмайдиган ёрдам кўрсатиш. Юқумли касалликларни эрта аниқлаш.

Асаб тизимининг клиник анатомияси. Асаб касаллигини аниқ ташхиси, асосий белгилари, этиологияси, патогенези, клиникаси, текшириш усуллари, асоратлари, давоси. Кечиктириб бўлмайдиган тиббий ёрдам. Марказий ва периферик асаб тизимининг орттирилган, ирсий ва касб касалликларида иш билан таъминлаш. Соматоневрология.

Умумий психопатология ва хусусий психиатрия. Асосий руҳий психопатологик синдромлар. Шошилинч ҳолатлар. Психопрофилактика ва психогигиена асослари. Беморнинг руҳий фаолиятининг асосий қонуниятлари, соғ ва касаллик ҳолатининг чегаралари. Тиббий психология асослари, деонтология, этика, психогигиена.

Жисмоний тарбия ва спорт билан шуғулланишга бўлган кўрсатмалар. Шуғулланувчилар устидан тиббий назорат ўтказиш. Организмнинг жисмоний ривожланганлигини аниқлаш ва баҳолаш. Спорт иншоатларига ва спортчилар гигиенасига (бош кийим, пояфзал, овқатланиши, дам олиш, кун тартиби) талаблар. Организмнинг иш бажариш қобилиятини, тикланиш жараёнларини аниқлаш ва олинган натижаларни баҳолаш. Ташқи нафас аппаратининг функционал ҳолати, аниқлаш усуллари ва баҳолаш. Врач-педагогик назорати ва қўлланиладиган усуллари. Врач назорати картасини (Шакл 061/у) расмийлаштириш ва химоя этиш. Шифобахш жисмоний тарбиянинг умумий асослари: восита, шакл, ҳаракат тартиботи. Самарадорлигини аниқлаш усуллари.

Инсонларнинг хасталикларини ултратовуш, рентген (шу жумладан компьютер томографияси), радионуклеид ва ядро – магнит резонанс ташхиси. Хавфли ўсмаларни ва ўсма бўлмаган хасталикларни нур билан даволаш.

Беморларни лаборатория ва асбоблар ёрдамида текшириш усулларига тайёрлаш. Асептика, антисептика. Анестезиологиянинг асослари, клиник ва лаборатория текшириш усуллари. Қон кетишда ва жароҳатларда биринчи ёрдам кўрсатиш. Қон қўйиш, жарроҳлик муолажаларининг турлари. Операциядан олдинги тайёргарлик ва операциядан кейинги давр. Асоратлар, уларни олдини олиш. Энг кўп тарқалган ўткир ва сурункали жарроҳлик касалликларини этиологияси, патогенези, клиникаси, давоси, асосий тиббий хужжатлар.

Меҳнат фаолиятини тиклаш. Ижтимоий реабилитация, протезлаш, травматизм (жароҳатланиш, хонадонда, транспортда, ишлаб чиқаришда, спортда, мактабда, қишлоқ хўжалигига) сабаблари ва олдини олиш чоралари, этиологияси, патогенези, ташхис қўйиш ва жароҳатланган ва таянч ҳаракат аппаратларини синган bemorlariga биринчи ёрдам кўрсатиш. Кечиктириб бўлмайдиган тиббий ёрдам кўрсатиш. Фавкулотда холатларида

ва табиий оғатларда талофат күрганларга биринчи ёрдам күрсатиш ва транспорт иммобилизациясини бажариш.

Отолоринология: қулоқ, ҳалқум, хиқилдоқ ва бурун касалликларини этиологияси, патогенези, клиникаси, текшириш усуллари, асоратлари, даволаш ва профилактикаси, уларни бошқа айзо ва тизимларга таъсири. Кечиктириб бўлмайдиган холатларда тез тиббий ёрдамини күрсатиш. Ташқи муҳит ва ишлаб чиқариш муҳити омилларини таъсири.

Оғиз бўшлиғи ва тишларнинг касалликлари этиологияси, патогенези, клиникаси, ташхиси, ички айзо касалликлари билан боғлиқлиги, даволаш усуллари, профилактикаси.

Кўзнинг ёшга нисбатан анатомияси. Физиологик оптика, кўришнинг оптик коррекцияси. Кўриш айзоларининг туғма, орттирилган ва касбий касалликлари этиологияси, патогенези, клиникаси, ташхиси, оқибатлари, асоратлари, даволаш тамойиллари профилактикаси. Кечиктириб бўлмайдиган тиббий ёрдам күрсатиш. Кўз жароҳатлари – биринчи ёрдам күрсатиш, олдини олиш, экспертизаси ва профилактикаси. Болалик йиллари даврлари ва уларнинг ўзига хос томонлари. Болаларнинг ривожланишига таъсир этувчи омиллар. Болалар жисмоний ривожланишининг мониторинги. Кўкрак сути билан боқиши, гўдакларни овқатлантириш усуллари. Болалар орасида кенг тарқалган касалликларнинг этиологияси, патогенези, клиникаси, асоратлари, дифференциал ташхис, бирламчи, иккиламчи ва учламчи профилактикаси. Болалар иммун тизимининг ўзиги хослиги ва ривожланиш даврлари. Профилактик эмлашлар. Шошилинч холатларда бирламчи тиббий ёрдам күрсатиш тамойиллари.

Фаннинг назарий ва амалий асослари. Ирсий касалликлар бўйича хавф гурухлари. Скрининг марказлари. Ген ва хромосом касалликларнинг этиологияси, патогенези, клиник белгилари, профилактикаси. Ташхислаш учун қўлланиладиган усуллар.

Аёллар организмининг ўзига хос томонлари. Ҳомиладорлик даврида, туғандан кейинги даврда бўладиган физиологик ва патологик жараёнлар. Ҳомиладорлик – ташхис усуллари, ҳомила холатини аниқлаш усуллари. Экстрагенитал патология, гестозлар, клиникаси ва даволаш. Ҳомиладорликни физиологик жараёнини бузилиш сабаблари. Физиологик ва патологик туғишлар. Кечиктириб бўлмайдиган холатларда тез ёрдам, профилактика. Аёлларнинг репродуктив фаолиятини ва унинг ҳар хил ёшдаги даврларда ва ишлаб чиқаришнинг заарли омилларининг таъсири натижасида бузилиши. Аёллар жинсий айзолари касалликларининг этиологияси, патогенези, клиникаси, ташхис усуллари, давоси ва профилактикаси. Абортлар, бепуштлик. Оилани режалаштириш, контрацепция.

Ахоли саломатлиги-уни ўрганиш усуллари, ижтимоий-гигиеник аҳамияти, ижтимоий-гигиеник омиллар ва турмуш тарзини ахоли саломатлигини шакланишидаги тутган ўрни. Энг муҳим хасталиклар, уларнинг ижтимоий-гигиеник аҳамияти. Соғлиқни сақлашнинг назарий асослари, шахар ва қишлоқ аҳолисига тиббий ёрдам күрсатишни ташкил қилиш, оналик ва болаликни ҳимоялаш, санитария эпидемиология хизмати, соғлом турмуш тарзини тарғибот қилиш, тиббий-меҳнат экспертизасини ташкил қилиш, соғлиқни сақлашни бошқариш, режалаштириш, маблағ билан таъминлаш асослари. Бошқариш даражалари, даврлари, менеджмент усуллари, менеджментга таъсир этувчи омиллар. Замонавий менеджерларнинг тафсилотлари, менеджернинг бошқарувчанлик қобилиятига таъсир этувчи омиллар. Соғлиқни сақлаш тизимида бошқарувчанлик тоифалари, маркетинг ва унинг тамойиллари, эҳтиёжлари, бозор, маркетинг хизмати, бозор иқтисодиёти шароитида нарх-навонинг шаклланиши. Маркетингни бошқариш, эҳтиёжлик холати ва бозор иқтисодиёти шароитида саломатликни ҳимоялашни ташкил қилиш.

Радиацион гигиена. Организмга нурланувчи радиацияларнинг таъсирини асосий қонуниятлари. Ташқи ва ички нурланишнинг йўл қўйиладиган даражаси, бу радиацион хавфсизликнинг асосидир. Санитар дозиметрик назорат. Берк ионланувчи нурланувчи манбалар билан ишлашда ҳимояланиш тамойиллари. Радиоактив ифлосланишдан ташқи

мухитни ва аҳоли саломатлигини муҳофаза қилиш. Радиацион авариялар, турлари ва уларнинг оқибатларни бартараф этишга доир тадбирлар. Ҳарбий гигиена. Ўзбекистон Республикасида қуролли кучларни санитария-гигиена таъминотини ташкил этиш. Қўшинларни жойлашиши, дала шароитларида қўшинларнинг сув таъминоти ва сифатини гигиеник назорати, ҳарбий хизматчиларни овқатланиши устидан санитария назорати ўтказиш, баъзи қўшин турларида меҳнат гигиенаси. Оммавий қирғин қуролларини ишлатиш шароитида санитария назоратининг вазифалари.

Эпидемик жараён тўғрисидаги таълимот. Эпидемик жараён омиллари ва ривожланиш механизми, кўринишлари ва интерпретацияси. Эпидемиологик текширув усуллари тизими ва мазмуни, эпидемиологик ташхисотнинг асосий тушунчалари. Эпидемияга қарши чора-тадбирлар тизими. Даволаш-диагностик, алоҳидалаш ва тартибли чеклаш чораларининг мазмуни. Эпидемияга қарши тадбирларни ташкил этиш. Ҳайвонлар ва касаллик чақиравчи қўзғатувчиларни тарқатувчи бўғимоёқлиларнинг эпидемиологик аҳамияти. Зооноз касалликларда санитария-ветеринария тадбирлари. Дезинфекция, дезинсекция, дератизация ва стерилизация, воситалари ва уларнинг тавсифи ва уларни ташкиллаштириш. Дезинфектантлар ва уларни куллаш усуллари. Профилактик эмлаш. Махсус ва тезкор профилактик эмлаш воситалари ва уларни қўллаш усуллари. Эмлаш календари. Эмлаш ишларини режалаштириш ва ташкиллаштириш. Хавфсиз эмлашни тадбиқ этиш.

Турли гурух юқумли касалликлар эпидемиологияси ва профилактикаси. Ич терлама, паратиф А ва В. Сальмонеллёзлар. Шигеллёзлар. Эшерихиозлар. Вирусли гепатитлар (А,В,С,Д,Е). Полиомиелит. Ичак иерсиниозлари. Вабо каби касалликлар эпидемиологияси ва профилактикаси. Вабо касаллигини аниқлаган участка врачининг вазифалари. Ротавирусли инфекцияларнинг эпидемиологик хусусиятлари. Бактериологик лабораториянинг иш режими билан танишиш. Грипп, ОРВИ ва атипик пневмония эпидемиологияси ва профилактикаси. Дифтерия. Кўйкўтал. Қизамиқ. Менингококк инфекцияси. Эпидемик паротит. Қизилча касалликлари эпидемиологияси ва профилактикаси. Касалхона ичи инфекциялари эпидемиологияси ва профилактикаси. Стрептококкозлар эпидемиологияси ва профилактикаси. Ҳарбий эпидемиология. Ҳарбий ҳолатда санитария эпидемиология бўлинмалар ишини ташкиллаштириш. Душманнинг бактериологик қуроли. Тиббий эвакуация босқичларида қўшинларни бактериологик хужумдан ҳимоя қилиш асослари. Бактериологик қуролга қарши асосий тадбирлар. Бактериологик қурол индикацияси. Ҳарбий ҳолатда эпидемияга қарши чора-тадбирларнинг мазмуни ва уни ташкил қилиш. Эпидемиологик назоратнинг мазмуни ва уни ташкил қилиш. Юқумли касалликларнинг ретроспектив эпидемиологик таҳлили. РЭТ ўтказиши. Ўтказилган РЭТ асосида эпидемияга қарши ишларни режалаштириш. Касалланишнинг кўп йиллик динамикаси таҳлилий усуллари. Касалланишнинг йиллик динамикаси таҳлили. Касалланишнинг эпидемиологик белгиларига биноан таҳлили. Эпидемияга қарши чора-тадбирларни режалаштириш. Оператив эпидемиологик таҳлили ташкиллаштириш ва ўтказиши усуллари. Зооноз инфекциялар: Кутариш. Қора оқсоқ. Куйдирги касалликлари эпидемиологияси ва профилактикаси. Тошмали тиф. Ку-иситмаси. Геморрагик иситмалар. Ўлат эпидемиологияси ва профилактикаси. Туман ДСЭНМнинг эпидемиология бўлими структураси, штатлари, иш фаолиятини ташкиллаштириш мезони ва аҳоли орасида эпидемияга қарши тизим билан танишиши. ДСЭНМ эпидемиология бўлимининг аналитик иш фаолияти. Бактериологик лабораторияларнинг иш режими билан танишиш. Иммунопрофилактика бўйича эпидемиологик назоратни ўтказиши ва ташкиллаштириш. Кенгайтирилган иммунизация дастури, муаммолари ва истиқболлари. Аҳолига эпидемияга қарши хизмат кўрсатиш тизими. Аҳоли орасида дезинфекция хизматини ташкиллаштириш. Ичак инфекциялари. Аэрозол инфекциялар. Касалхона ичи инфекциялари. Зооноз инфекциялар. Ўта хавфли инфекциялар. Жинсий йўл орқали юкувчи касалликлар. Паразитар касалликлар. ОИВ-инфекцияси. Лепра каби инфекцион касалликларда эпидемиологик назоратни ташкиллаштириш ва ўтказиши.

Меҳнат физиологияси. Ҳавфли ва заарли ишлаб чиқариш омиллари, уларнинг организмга таъсири, олдини олиш соғломлаштириш чора-тадбирлари. Токсикологик тадқиқотларни ўтказишни умумий асослари. Санитар-техник қурилмаларга қўйиладиган гигиеник талаблар. Пестицидларни кўлланилишда меҳнат гигиенаси. Аёлларни меҳнат гигиенаси. Шахсий ҳимоя воситаларини кўлланилиши. Ишловчилар саломатлиги. Ишлаб чиқариш объектларида давлат санитария назоратини ўтказиш. Турли саноат ишлаб чиқариш корхоналарида меҳнат гигиенаси.

Ихтисослик фанлар блоки:

Аҳоли яшаш жойлари шароитида инсонларга атроф-муҳитнинг табиий ва ижтимоий омилларини таъсири. Атроф-муҳитни ифлослантирувчи маънбалар. Кимёвий моддалар ва пестицидларни гигиеник мезонлари, усуллари. Атмосфера ҳавоси, ичимлик суви, сув ҳавзалари ва тупроқ ҳолатини гигиеник баҳолаш. Аҳоли турар жойлари, даволаш профилактика муассасалари, турар жой ва жамоат биноларини режалаштириш ва ободонлаштириш ва санитария-соғломлаштириш чора-тадбирларини ишлаб чиқиши.

Атроф-муҳит объектларининг гигиеник тафсилоти ва уларнинг инсон саломатлиги учун аҳамияти – ҳаво, сув, тупроқ ва қуёш нури. Огоҳлантирувчи ва жорий санитария назария ҳақида тушунча. Ҳаво муҳити, сув, тупроқ, қуёш нури радиациясининг гигиеник кўрсаткичларини текшириш усуллари. Экологиянинг асосий тамойиллари. Ташқи муҳит ва инсонлар ўртасидаги ўзаро таассуротлар. Меҳнат гигиенаси. Аҳоли рационал овқатланишининг аҳамияти, гигиеник талаблар. Болалар ва ўсмирларнинг ўқитиши ва тарбиялаш шароитларининг гигиеник аҳамияти. Коммунал гигиена, шахсий гигиена, психогигиенанинг долзарб муаммолари, бирламчи профилактик масалалари.

Соғлом овқатланиш асослари ва овқатланишининг замонавий назариялари. Организмининг суткалик энергия сарфини аниқлаш. Асосий моддалар алмашинуви, овқатнинг специфик-динамик таъсирини ва турли фаолиятларга кетган қувват сарфини аниқлаш. Аҳолини овқатланиш ҳолатини ўрганиш. Озиқ-овқат маҳсулотларининг гигиеник экспертизаси (сут, гүшт, колбаса, балиқ, ун ва нон маҳсулотлари, ёғ ва мойлар, яхна ичимликлар ва банкали консервалар). Тайёр маҳсулотлар калорияси ва таркибидаги бегона моддаларга баҳо бериш. Профилактик ва парҳез овқатланиш, ДСЭНМ овқатланиш гигиенаси бўлимида ташкилий услубий ишлар. Овқатланиш гигиенаси бўлимида огоҳлантирувчи ва жорий санитария назоратининг асослари. Умумий овқатланиш корхоналари, савдо корхоналарига қўйиладиган гигиеник талабалар ва уларни назорати. Бозорларни санитар-гигиеник текшириш қўйиладиган талаблар. Сут, гүшт, балиқ, қандолат, яхна ичимликлар ишлаб чиқариш корхоналарига қўйиладиган гигиеник талаблар ва шу корхоналарни санитария назорати. Озиқ-овқат маҳсулотларини санитария-эпидемиологик аҳамияти ва овқатдан заҳарланиш профилактикаси.

Болалар ва ўсмирлар жамоасининг саломатлик ҳолатини ўрганишининг гигиеник асослари. Ўсуви организмнинг ўсиш ва ривожланиш қонуниятларининг гигиеник асослари. Жисмоний ривожланишининг гигиеник асослари. Турли таълим муассасаларида мактабгача таълим муассасалари, таняч мактаблари, академик лицей ва коллажларни лойиҳалаштириш ва қуришнинг гигиеник асослари. Болалар ва ўсмирлар фаолият гигиенаси. Организмнинг ишлаш қобилияти ва функционал ҳолатини баҳолаш усуллари. ТТМларида ўқув-тарбиявий, ўқув ва ўқув-ишлаб чиқариш жараёнларини ташкил этишнинг гигиеник мезонлари ва баҳолаш усуллари. Болалар ва ўсмирларни овқатланишига қўйиладиган гигиеник талаблар. Болалар ва ўсмирлар ўйинчоқлари, кийимлари, ўқув дарслеклари, жиҳозларига қўйилган гигиеник талаблар. Ўсмирларни касбга йўналтиришнинг гигиеник талаблари. Ёзги соғломлаштириш масканларида болалар ва ўсмирларни соғломлаштириш ишларига қўйилган гигиеник талаблар. Ривожланишида нуқсони бўлган болалар ва ўсмирлар муассасаларининг гигиеник асослари. Полимер қурилиш материалларига қўйилган гигиеник талабалар. Болалар ва

ўсмирлар муассасаларида огоҳлантирувчи ва жорий давлат санитария назоратини олиб бориш тартиблари. Болалар ва ўсмирлар жамоаси орасида соғлом турмуш тарзини ташкиллаштириш. Талабалар илмий тадқиқот ишларни амалга ошириш.

Қўшимча фанлар блоки

таълим йўналиши талабаларнинг умумкасбий ва ихтисослик фанлари бўйича қўшимча равища чукур билим олишга бўлган эҳтиёжини қондириши;

харбий тиббий тайёргарлик, фуқаро муҳофазаси ва фуқаро муҳафазасининг тиббиёт хизмати бўйича амалга оширилиши лозим бўлган чораларни амалда қўллашни таъминлаши; табиий, техноген ва экологик фавқулодда вазиятда жабрланган аҳолига тиббий ёрдам кўрсатиш ва ўчоқни бартараф этиш учун ФМТХ куч ва воситаларини, зарурий мол-мулк билан таъминотини билиши ва фойдаланиши учун замин яратиши;

таълим сифатига қўйилаётган талаблар ва меҳнат бозори конъюктураси тез ўзгараётган шароитда бакалавриат таълим йўналишлари бўйича ўқув режалар ва фандастурларининг сафарбарлиги ва мослашувчан бўлишини таъминланиши;

касбий фаолият стратегияси ва тактикасини тўғри танлай олиш, касбий нуқтаи назарнинг барқарорлигини таъминлаши лозим.

Танлов фанлари:

Таълим йўналиши бўйича фан, техника ва технологияларнинг замонавий ютуқлари, кадрлар буюртмачилари талабларидан келиб чиққан ҳолда танлов фанларининг марқиби ва уларнинг мазмунига қўйилган талаблар ОТМ Кенгаши томонидан белгиланади.

Йўналиш бўйича фан, техника ва технологияларнинг замонавий ютуқлари, кадрлар буюртмачилари талабларидан келиб чиққан ҳолда танлов фанлари рўйхати ва уларнинг дастурлари ОТМ Кенгаши томонидан белгиланади.

3.2. 5510300-тиббий профилактика иши бакалавриат таълим йўналиши ўқув режасидаги юклама ҳажми

Барча турдаги аудитория ва аудиториядан ташқари ўқув ишларини ўз ичига олган ўқув юкламасининг энг юқори ҳажми ҳафтасига 52 соат қилиб белгиланади. Ишлаб чиқаришдан ажralган ҳолда (кундузги) ўқиши шакли учун аудитория машғулотларининг энг юқори ҳажми ҳафтасига 36 соатгacha қилиб белгиланиши мумкин.

Ўқишининг норматив муддати олти йил бўлгани ҳолда ўқув жараёни 308 ҳафта давом этиши зарур.

Ўқув даврининг умумий ҳажми қўйидагича тақсимланади:

назарий таълим -	63 - 70 %;
аттестация -	8 - 10 %;
таътил -	12 - 16 %;
малака амалиёти -	6 - 12 %;
битирув малакавий иши -	2 - 3 %.

Назарий таълим ҳажми “Ижтимоий соҳа, иқтисод ва ҳуқук” билим соҳасига мувофиқ фанлар блоклари бўйича қўйидагича тақсимланади:

гуманитар ва ижтимоий-иқтисодий фанлар	15 - 20 %;
математик ва табиий-илмий фанлар	10 - 15 %;
умумкасбий фанлар	50 - 55 %;
ихтисослик фанлар	10 - 15 %;
қўшимча фанлар	5 - 7 %.

Ўқув йилида таътил даврининг умумий ҳажми 7 - 9 ҳафта қилиб белгиланади.

Библиографик маълумотлар

УДК: 002:651.1/7

Гурӯҳ Т 55

ОКС 01.040.01

Таянч сўзлар:

касбий фаолият тури, компетенция, модуль, таълим йўналиши, касбий фаолият обьекти, касбий фаолият жабхаси, бакалавриатнинг асосий таълим дастури (бакалавриат дастури), профиль, ўқиб-ўрганиш натижалари, тиббий профилактика иши, аҳоли саломатлиги, атроф-муҳит гигиенаси, огоҳлантирувчи ва жорий давлат санитария назорати, болалар ва ўсмиirlар гигиенаси, турли таълим муассасалари, таълим-тарбия жараёни, овқатланиш гигиенаси, давлат ва нодавлат озиқ-овқат корхоналарида давлат санитария назорати олиб бориш, коммунал гигиена, сув, тупроқ, аҳоли турар жойлари, меҳнат гигиенаси, радиацион гигиена, турли ишлаб чиқариш корхоналаридаги ишлаб чиқариш жараёни, босқич, радиацион хавфсизлик, шахсий ҳимоя воситалари, санитария маорифи иши, эпидемиология, юқумли ва соматик касалликлар эпидемиологияси, ОИТС, ВИЧ.